

مات نوبتی بکا کلدیکی زمان، بوکون غیوبت
ابدیهلرینه سرشک افشان اولدیغیم ذوات محترمه یه
قاووشه جفم...

(صوکره بردن بره ینه شبهه ایدهرک):
افسوس! یاشو ظن و اعتقاد، بر آرزوی
طفلانهدن عبارت ایسه!

عجبا دست اجل ایله چالغش اولان
کوس رحلت، بروداع ابدییمی معلندر؟
خیر، خیرسن مظهر حیات جاودانیسن!
سن، بزدن ده اعلی مستغرق عیش و نوشسین!
اما، «زده ده؟ نه صورتله» می دینه جک؟
اوراسنی بن دکل آکیمسه بیله من؛ فقط، شمعی
سویله دیکم وجهله سنک، نعم نامتناهیة صمدانیه
ایچنده پروده اولدیغکه معتقدایم. شو اعتقاد،
بی سکا او قدر تقریب ایدیور که بورایه
هر نه زمان کله جک اولسه هم همفکر اولدیغیمزه
قانع اولوب کندی کندیمه:

« — واقعا والدم بکا کورونه مزسه ده
سوزلریمی ایشیدیر یا؟ » دییورم.
ای نمونه عفت!

بی دوغوردیغکدن دولایی صاقین
نفسکه تعریض ایتمه: فی الحقیقه شو عالم امتحانه
وضع قدم ایتدیگمه دفعاتله تأسفه بی مجبور
ایدن نیجه ایام کدورت کورمش ایسه مده
تمادی ابدیسنی آرزو ایتدیگم پک چوق
ایام مسعوده دن ده حصه یاب سرور اولدم!
اوف! نیجه مزاحی ایتخام ایتدم! هر
کونه آمال و تمنا تمه نائل اولدم. لکن...
اوت لکن سنک کبی برخیلی محبانه ده ابدیاً
غائب ایتدم!

ای سبب حیاتم اولان ابونیم!
چالیشه چالیشه ثروت و سامان صاحبی
اولدیغ بویله بر زمان بختیاریده سزه مدیون
بولندیغ شیلرک بر قسمی اولسون اعاده بی نه
قدر آرزو ایدیورم! آه، کالاول یانمده
بولونسه کر!

زوالی والدم!

انسان بطن مادر دن شو جهان فانی یه
قادمه زن اولور؛ بی چاره لر ثمره نشاطلرینک
استیصال اسباب مسعودیتلری امرنده پک
چوق مزاحمه قاتلانیرلر؛ حتی کچه لری خواب
وراحتلرینی دخی فدا ایدرلر!

زوالی پدرلر!

جکر پاره لرینی، رفیقۀ حیاتلرینی اعاشه
ایچون هر نوع شدائد طبعیه یه سینه کشای
مقاومت اوله رق مجرد دان و نمک تحریسی ایچون
اوزون اوزون سیاحتلری کوزه آلدیرلر!
ایش یالکر بوندن عبارت اولسه نه ایسه نه:
ثمره فؤادلری، بر آرز بویور بویومز، دیگر
بر غدایه ده محتاج اولورلر: (تحصیل علم
و معرفت).

بو غدایه دسترس اوله یلک مبالغ و فیره
صرفنه متوقف ایسه ده ابون، بارثقیل ضرورت
آلتده دخی ازیلسه لرینه اولادلرینک حلیه
علم و معرفت ایله پیراسته اوله لرینی بغایت آرزو
ایدرلر؛ چو جو قلدینک مسعودیت آیه لری
ایچون پک چوق فدا کارلقده بولنورلر؛ پک چوق
شیلردن کندیلرینی محروم ایدرلر!

بر آزدوشونه لم: مالکیته مفتخر اولدیغیمز
«صحت، مسعودیت، اشتهار، ذکا» کبی شیلرک
هیسی آنلرک ثمره سعی و اقداملری
دکلیدر؟

وا اسفا که ابونیزه بورجلو اولدیغیمز
شیلری اعاده یه اقتدار کسب ایدوبده هر
مسؤلرینی اسعافه، هر امرلرینی اجرا یه؛
خلاصه مسعودیت آیه لرینی تأمین، چکدکاری
اذیتک مکافاتنی اعطایه آماده بولنوبده:

«بوکون مسعودانه امرار ایام ایدیورم
فقط اعتراف ایدهرم که بو، مجرد سزک ثمره
هتکزدر. بنا برین، ماملکم بنم دکل سزکدر:
آندن دلخواه کز وجهله مستفید اولیکز.» دیه تطیب
خاطرلرینه چالیشه جغمز بر زمانده ایزدن
قاچیر یویریرز!

او زمان انسانک، آنلرک حصه مند

اوله مدقلری، محصول حیات و معرفت
اولان، او بختیارلغه لعنت خوان اوله جنی
کلیر!

مصطفی فاضل

کل

انسان، ازهار کونا کونی حاوی بر حدیقه
دلکشایه قادمه زن دخول اولدیغی زمان نه قدر
منون اولور: کویا او هدایای طبیعتدن
هر برینک کندیسنه ارائه روی ایتسام ایتدیکنه
ذاهب اوله جنی کلیر!

فقط او ازهار رنگارنگدن هانکیسی
دها زیاده شایسته تقدیردر؟ «کل» دکلی؟
اوت، کله «سر افراز ازهار» دینلر زرقما
آلدامازلر.

خلقت عالمدن شمعی یه قدر کلوب کچن
شعرا، بلااستننا، او ازهار قرالچه سنک [۱]
مدیاحی بابنده پک چوق بیت تنظیم ایتمشلر؛
پک چوق سوز سویله مشلردر. هله یونان
لاتین شعرا سی هر نه زمان دهن کشای تقدیر
اولسلر اول بول کلمه کی لطافتی، کلمه کی
بوی دلفری تقدیره، تصویره چالیشیرلردی.
اسلافدن قالمه روایاتی، حکایاتی استمد
عهده حاله کوش رغبت اولنورمی؟ دیدیکم
حکایات و روایات او قدر کثیردر که تعدادی
کنجایشیدیر حوصله اقتدار اوله ماز.

مورین سالفه و حاضره کلدن بحثه
کیریشه جک اولسلر حقنده کی زمین تصویری
مدیاحله دولدورلر.

قرون عتیقه تاریخنک «معلق باغچهلر»
بجی مطالعه بیورلسون: (سه می رامیس) ک،
بوی حیاتبخشاسیله متلاذ اولدیغی کل حقنده
نه قدر ستایشلر کورولور!

ازمنه سالفه تاریخی تتبع ایدلسه سرافراز
ازهار اولان کله پک چوق اهمیت ویرلیدی
هر صحیفه سنده کورولور: پت پرست آیینده
بر موقع مهم احراز ایدن کل دکلیدر؟

کندی آرزولریله روی ارضه اینوب
انسانلر ایچنه قاریشان آلهلرک یوم مخصوصلر-
نده (آت تیق) دوشیزکانی اوکوزلم باشلرینی
کل ایله تزیین ایتلر می ایدی؟

شاعر مشهور (راسین)، شعرای یونا-
نیینی تقلیده یلته نوبده تنظیم ایتدیکی فاجعه ده
زینت جمالی کل دمتنده بولنماشمیدی؟

•••

مع هذا کل بر آراق ایدی اعتباردن
دوشو ویرمشدی. چونکه «پت پرست نشانه سی»
کبی تلقی اولمشدی. فقط (شارلومان) زما-
نده پایه عز و شرفه یینه نائل اولدی.

«قادیسنر او، کلسر نوبهاره شبهدر»
سوزی بیوک بر ذاتک فم تقدیرندن چیقما-
شمیدی؟

بحی بر آز دها اوزاته لمی؟

قرون وسطاده دوشیزکانه جهاز اوله رق
کل دمتلری ویرلمییدی؟ ونیدیکه
سنیور زاده لر، اییکدن قدیقه دن البسه لر
اکتسا ایتمش اولدقلری حالده، باشلری اوزمان
«اماره عفت» عداولنان بیاض کلرله مزین،
نشانلیرلیله برابر غوندوللرده شرقلر، مانیر
آراسنده کال دبدبه و طنطنه ایله کلیسایه کیتزلر می
ایدی؟

کل، بوکون آوروپانک همان هر طرفنده
«سعادت حاله، عشق و محبت» دالدر.

اتکلز شعر اسندن برینک حسیات
رقیقه بی تحریک ایدن بر منظومه سنده: «بر
چوبانک متره سنی اغفال ایچون کلدن بر تسلیج
وعد ایتمش» اولدیغنی او قودیم زمان قهقهه لرله
کولمشدیم.

•••

فرانسه نیک جنوبنده مایسک برنجی
کونی کنج بر قیزک قایسنه بر کل طاقق «اعلان
عشق» دیکدر.

هله (سن لوئی) نک، قیزلینه هدیه
اوله رق، هر جمعه کونی برر کل تاجی کوندر-
مه سی کلک حقیقه سرافراز ازهار اولدیغنه
بر دلیل بی عدیلدر.

کلک ایفا ایتدیکی وظائف متعددی
برر برر سلک بیانه چکچک اولساق قو-
جه مان بر اثر یازمه من ايجاب ایدر. آنک ایچون
قرائین کرامک مساعده لرله سوزی بوراده
کسوب بر آزده آرقداشلر میز دیکله ییم.

—•••—

—•••— ودرته ر —•••—

—•••—

۱۷ مایس

هر مسلک وهر زمره دن بر چوق
کسه لرله کسب معارفه ایتدیمسده، هنوز
انیس الفتلری وجلیس بزم معاشرتلی
اوله مدم.

انظار خلقی جاذب و قلوب ناسی جالب
اوله جق نه خاصه ممتازیه مالک بولندیغنی
یئله یورسه مده، کال شوق و خواهشله بنمله
مصاحبه راجب و طرح اساس موآنسته
طالب اولدقلرینی کور یورم. سو قاعه چیدقچه
اطرافدن آیرلیورلر؛ بنده، تعقیب ایتدیگمز
یوللرک بر مدت برلکده قطع مسافه ایتمه مزه
مساعده اولمدیغنی حالده پک محزون اولیورم.

انسانلرک بوراده نه یولده امرار حیات ایتدکلرینی
صوره جق اولورایسه ک، سکا «هر یرده اولدیغنی
کبیر» دیرم. جنس نی بشر یکنسقدر: اکثریسی
کونک قدیم اعظمی اقوات یومیه لرینک امر
تدارکیله اشغال و بر قاج ساعتک استراحت
زمانی دیمک اولان کونک قسم متباقیسی

کندیلرینه او قدره موجب ملال، او قدر صعب-
الاحتمال کورینور کدائما اوبار کران طاقتدر سادن
استخلاص کریبانه استیصال ایدرلر.

شو ملاحظه لر بر طرف، بوراده کور-
دیگم انسانلر اولدقچه شایسته انسیتدرلر.
بعضاً کندیغی فراموش ایدرک، ترتیباتی
اولدقچه منتظم بر سفره اطرافنده مصافات
کامله ایله ذوقیاب عیش و حضور؛ آراهیه
یینوب تنزه، بر بالویه اشتراک ایتک کبی
انسانلرک اجر اسنده معذور بولندقلری
بعض حظوظ اتدن آنلر ایله برلکده بهره یاب
ذوق و سرور اولدیغ زمانلر، قبیله کوزل
بر تاثیر حاصل اولیور. فقط، بکا مستولی
اولان بو حال وجد آیزدن کندمده دها
بوکا نمائل بر چوق تأثیرات خفیه و خواص
لطیفه نک موجود بولندیغنه و حسن استعمال
ایدملدکار ندن ناشی قوای محرکه لرینه عطالت
واجزای سیریه لرینه بطالت عارض
اولدیغنه و بوتأثیرات مخصوصه نک ستر و اخفاسی
لازم کلدیکنه حکم ایتامی می. آه! بو فکر
قلبی تضییق ایدیور! حالبوکه، دوستم!
کندیغی دائماً حال مجبولیت و مستوریتده
کورمک مقتضای طالع منخوس و بخت
معکوس انسانیدر. حیف! اوان شبایمده
هم آغوش الفم اولان محبوبه وفادار نر دده؟
ابتدا نیچون آنکله ربط مناسبت و تأسیس
بنای محبت ایتدم؟ کندی کندیغی: ای غافل!
سن دنیاده بولنجه جق برشی آرایورسک.
دیه حکم کلیور.

یازب! اوزمانلر قوای معنویه مدن هیچ
برینک حرکتدن ساقط اولدیغنی کوریلور می
ایدی؟ دیده ضعیفی فحشترای طبیعتیه
معظوف قیلان خاصه علویه فؤادیه می اودلر
زهره پیکرک میامن صحبتیه مستعد اولدیغنی نقطه
کماله ایصال ایده مزیمیم؟ یئغزده جاری
اولان محاوره لر، مکالمه لر یا لکنر حسیات صافیه
و افکار رقیقه منزی تعاطی ایتکدن عبارت